



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1862**

CXX. Der Propst des Klosters Arendsee, Johann Kuchenbiter, stiftet eine  
Commende zu einem Altar in Salzwedel, am 29. März 1484.

---

---

**Nutzungsbedingungen**

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

beate marie virginis utero. Hyr an vnd auer synt gewelen de werdighen heren Eren Hinrick  
 seroder, bychtfader, Eren Jakob hafe, Eren Peter moller, Capellanne. Vppe dat denne  
 dusse fundacien vnde alle alsze vorcreuen ylz van vnz vnd vnser nakamelingen dusse flitiger  
 vnde bath vor ogen werde gehat, gefordert, fortgeleitet vnde in ewiger dechtnisse bliuen möge; Hebben  
 wy vake genomeden Eren Johan, Prauist, Gheszke van bulow, Priorynne, myd allen vnsern  
 vorcreuen sulborth vnde willen vor vnz vnde alle vnser nhakamelingen heten vnser Prauistigen  
 vnde Capittelsz Ingefzegell witliken hengen benedden an diessen breff Vnd ock hefft de vakegnante  
 heren Johann Kukenbiter to grotter vnde merer wyssenheyt syn eygen Ingefegell mede heten  
 hengen an dusen apembreff, de gheuen vnde screuen ylz nha der geborth cristi ihesu vnser heren  
 vyrtweyhunderth Jar, dar nha in deme dre vnde achtentigheften Jare, ame daghe Greghorii desz  
 hillighen Pawelzes.

CXX. Der Probst des Klosters Arendsee, Johann Kukenbiter, iustiter eine Commende zu einem  
 Altar in Salzwedel, am 29. März 1484.

Wi Gheszke vooom Bulow, Priorynne, Ilfze loufz, vnderpriorynne, Czecheh  
 Kruzemarke, Margareta Coffebw, kosterynnen, vnde de gantze samnynge tome Arntfze,  
 bekennen apembar myd krafft dusses breues vore alzweme, dat myd vnser aller berade, guder be-  
 trachtunge, wytschup, willen vnde sulborde de werdige here, eren Johan Kukenbiter, Praueft  
 tome Arntfze, deme almechtigen gade, finer liuen moder marien, allem hemelschen heere to laue  
 vnde to eren, dorch finer vnde finer leffhebber vnde vnser vnde aller cristen selen salicheyt willen,  
 bostellet, lecht vnde maket hefft, Maket, bostellet vnd bolecht myd krafft vnd macht dusses breues  
 etlike jarlike renthe, nomeliken drutteyn mark pennyng Soltwedelscher weringe, de yek Jo-  
 hannes Kukebiter, Praueft, hebbe in pantschup vor festich marck vnd twehunderth vppe deme  
 radhuse der olden Stad Soltwedell, mylder almiffen gegeuen vnde vorsegelt myd vnser alle vp-  
 gnanten vnde gantzen Capitells willen vnde sulborth to vnserme altare Petri et Pauli in der kerken  
 vnser liuen frouwen in der Olden Stad Soltwedell, nach vthwilinge desz houetbreues vnde nach  
 sodaner nhascreuen ordinacien. Nach der Incorporacien desz altares hebben vnse prauefte deme  
 bolefer desz altarez gegeuen vnd geuen vnd schollen geuen ewichliken van der jarliken pennyng  
 renthe To gawell alle jare achte lubesche marck szoltwedelscher weringe. Dartho schall de bo-  
 lefer entfangen teyn lubesche marck der suluen gnanten weringe van dem Radhuse der Olden  
 Stad soltwedell. Hyrvor schal sick de bolefer desz altarez sick ynnichliken boreyden in eyner  
 jsliken weken to eyner vygilien vnd twen myssen, eyne missa von allen cristen szelen to biddende  
 vor alle, de darto behulpen sin gewesen, de andere missen van vnser liuen frouwen; wyll he de  
 drudde mysse holden, szege wy alle gerne. Ock schal de bolefer desz altares alle dage mede gan  
 to singende vnser liuen frouwen tide vnde sine myssen dar to holdende: darvor schall he vntfangen  
 de teyn marck van deme rathuse vnd twe marck schollen se deylen, Darvor to singende de  
 loueliken antiphone der eddelen komighynnen Marien to laue Alma redemptoris mater myd eyne

vericula vnde Collecten vor der missen vnde vor de drutteynde marck to kopende wafz, dar lychte aff to makende, Anthioftekende myd der antiphonen Alma redemptoris, De eddele konnyghinne vnz to vorbyddende dat ewige licht. Nach desfer milden flitigen bowifinge hefft fick myd vnser allen fulborth vnde willen Johannes Kukenbiter, vnze praeft, beholden vnde beholt de erste boeuinge duffer Commenden vnd altarez eynem framen prefter effte clericke. Weret, dat de cleric nicht olt were prefter to werdende, schal men id ome tho gude holden, so lange he olde noch werth vnde eynem officianten so lange beuelen vnde belonen myd aller jarliken renthe. Dat schall me ouerfz eynen anderen nicht don. Nach der vorfallinge schal dat Capittell de beuelinge ewichliken hebben. In sodaner nhascreuen wifse to stetliken vmme de anderen reyen der milden almiffen boeuinge. Hebbe ick Johannes Kukenbiter, prauift, my beholden, were we in mynem flechte de prefter wyre effte jme Jare prefter wolde werden vnde bede sodane almiffen vmme god van der priorin vnde Capittell, will vnde schall de prioren mildichliken sodane almiffen deme prefter effte Clerick beuelen vnde nicht weygern. Is ouerft in mynem flechte nymande, de darynme byddet, mach de priorynne myd fulborde desz Capittellz beuelen vmme god eynen framen prefter effte clericke jme Jar prefter to werdende, Wenne ome dat boqweme dunketh. Ok willen wy vpgnanten Joannes Kukenbiter, Praeust, Geske van bulow, pryorynne, myd allen vorbononden vnd gantzem Capittell Alze weme duffe almiffen vpgnanten mildichliken vmme god boeueleth werden, schall he personlick suluen vorwaren, szo dat vorbororeth ylz effte vorlaten, Effte dat sche myd willen desz Capittellz, szo schall doch de officiante alle almiffen ghentzliken alle Jare vpboren vnd de vorlouinge schall nicht lengk sin van deme Capittell, wen twe Jare. Darnegeft schal he id suluen vorwaren effte gentzliken willichliken vorlaten. Hyran vnde auer sint geweszen de werdigen heren Eren Hinrick Schroder, Eren Jakobus hafe, Eren Peter moller, Eren ludeleff wilde, Capellane vpp vnsem Closterhaue Arntze. Vppe dat denne duffe fundacien vnde alle alz vorcreuen ylz van vnz vnd alle vnsern nakamelingen duffe flitiger vnd bath vor ogen werde gehath, ghefordet, vorgefettet vnde jn ewige dechniffen ewichliken bliuende, hebben wy vorbenomden Gheszke van bulow, priorynne, Ilze loufz, vnderpriorynne, Czechell Krufemarken, Margareta Coffebw, kosterynnen, myd willen vnsefz Capittellz vor vnz vnde alle vnze nhakamelingen alle heyten hengen vnsefz Capittellz Ingefegell, Ock hebbe ick Johannes Kukenbiter, praeust, myd fulborde desz capittellz vor my vnde all myne nhakamelingen heyten hengen der praeustigen Ingefegell, Furder in meer willenheyt hebbe ick Johannes kukenbiter myn eygen Ingefegell heyten hengen alle bonedden an duffen apenbreff, de gegeuen vnde screuen ys nha cristi vnser heren geborth dufent vyrhundert, dar nha in deme vyr vnde achtigsten Jare, desz mandagefz nha letare der hillighen mydfasten.

CXXI. Propst und Priorin des Klosters Arendsee verpachten die Klosterhufe bei Seehausen, am 16. Juli 1484.

Wy Johannes Kukenbiter, prauift, Geszke vonn Bulow, pryorynne, vnd gemeyne samenunge des klosters Arntze bekennen vnd betugen suft vor alzweme gestliken effte